

辟

雍

紀

事

辟雍紀事九戊申至己酉凡十八年

孝宗弘治戊申元年正月纂修

純皇帝實錄本監事實令學正曾瑤查考編類造冊凡

七條○三月

上視太學謁先師○八月詔考正孔廟從祀名位
禮科給事中張九功奏苟况馬融王弼當斥今儒
臣薛瑄宜補學士程敏政亦有疏議斥戴聖何休
劉向何晏王肅杜預楊雄等從祀學士吳寬獨謂
雄等立才誠有遺議表章經學不爲無功于是咸

仍其舊

世廟時乃克釐正瑄因人祀焉○南監丞陳旅偶署堂
印隨請修廟學出羨餘以助公費一無所私旅字
正初臨海人以明經分新淦訓滿考書最擢翰林
孔目未任艱歸服闋改國學錄雖無事事而賢聲
隱然出六館右洎遷監丞律已率人益嚴而厲監
規爲之肅然未幾又以憂去服闋改南京雍士素
聞其清強望而畏之九載秩滿乞休諸生方爲請
留旅已掛冠歸矣

○已酉二年十二月陞太常寺卿掌南監事徐瓊爲
禮部右侍郎瓊在監碌碌無所聞士論薄之○是
年定元旦冬至令節本監差委屬官一員齎捧表
箋

○庚戌三年正月陞侍讀謝鐸爲南祭酒鐸字鳴治
浙太平人天順甲申進士同官楊守陞有序送之
謂先生和而介清而不隘此行也爲轉移世道之
一機以先生爲宋胡陳李不難而更有進而上之
者若宋之湯中立唐之韓退之齊之荀卿周之彤

伯皆以芻酒名世者亦在先生爲之而已矣鐸深
德其言○八月刑科給事中胡金建言儲養將才
行兩京五府各將侯伯都督新襲不曾任事者及
子孫應該襲廢者送管以習武藝送監以習文事
在監聽祭酒司業月一試驗策略并背誦武經七
書按季奏報兵部以聞制曰可○十月以林瀚爲
北祭酒瀚字亨大閩人成化二年進士歷編修陞
諭德至是陞祭酒上疏請開選貢進人未待士嚴
而有扈尤善鼓勵故事祭酒膳役銀歲餘百數公

悉貯官帑構公署及師儒寓舍一無所私後歷仕南兵部尚書忤逆瑾左遷浙江叅政珙誅後尚書致仕卒年八十有六贈太子太保謚文安子廷機孫燦後皆為祭酒

○辛亥四年南祭酒謝鐸奏修明教化六事一擇師

儒 二慎升貢 三正祀典 四廣載籍 五復

會候 六均撥歷俱准議行于是撥歷者科貢得

十納粟得二十士皆感悅○四月鐸陳情致仕許之

○六月以庶子李傑為南祭酒傑字世賢常熟人

成化丙辰進士

○千子五年十一月停止生員納粟事例吏部王恕奏選法壅滯故也

○癸丑六年四月陞南祭酒李傑禮部右侍郎傑後仕至尚書○六月擢福建提學副使羅璟爲南祭

酒璟字明仲泰和人天順祭未進士及第○九月

副都御史張敷華奏公侯駙馬伯年十五以上三十以下悉送監照監生一體作課讀書講習禮數間月赴教場操練武藝所讀兵書大義或未通印

真講解季終查驗如初時邊圍多棘

上方注意將替也

○甲寅七年二月北監舉人監生儲珊奏改南許之
先是有朱輔等二十人郭義等三十一人黎紳等
十二人各行具奏時因南監坐班人少皆從其請
○改南學正羅用俊爲北助教俊字舜臣秦和人
自少遜志力學天順己卯領鄉薦庚辰中副榜例
當就教後年纔二十三于例得辭俊輒受職除青
田諭九載杖滿陞安慶授復以九年秩滿陞南學

正至是又歷三考乃改北模範端方三十年如一
日云子三皆登進士長子欽順及第同在朝籍迨
乞休年未滿六十後以子貴累封通議大夫吏部
右侍郎年八十七乃卒

○乙卯八年六月南祭酒羅璟奏本監實在監生二
千六十八名坐班者不過四百九十六名欲照前
太常寺卿劉宣清理事例每遇三年朝覲將舉人
及官民生入監者備造文冊開繕舊管收除實在
送部發監查照庶數清而弊革矣

上從之○八月封宋儒楊時爲將樂伯從祀孔子廟
廷

○丙辰九年南祭酒羅璟致仕○二月以右諭德管
國子司業事劉震爲南祭酒震字道亨安福人成
化壬辰進士第二人○進北祭酒林瀚禮部右侍
郎仍管監事

○丁巳十年五月命考察南京庶官助教俞智等七
員皆罷○是年禮科給事中葉紳以蔭敘太濫要
行盡一之法禮部覆奏七款內一款曰春宮侍從

官員講讀年久輔導有功者死後子孫乞恩入監
取自上裁其餘經筵講官子孫不許濫比又一款
曰雜流出身雖三品以上不許夤緣乞蔭

上從其言

○戊午十一年五月北監生江瑤抗疏言大學士劉
健李東陽杜絕言路掩蔽聰明

上怒下瑤詔獄健等力爲申救乃得釋○十一月清
寧官災南京科道各上疏請斥奸貪以弭災異交
論祭酒劉震

上不聽

○己未十二年三月賜劉震誥命中有直道不疑士夫終信其行以被論故也○十月改掌北監事林瀚爲吏部右侍郎○十二月陞致仕祭酒謝鐸禮部右侍郎管北祭酒事力辭不允鐸因條上興教化等事下所司議行

○庚申十三年著令監生不許托故依親

○辛酉十四年三月南祭酒劉震卒震居常自負性不喜讀書而頗近利士論鄙之○以南吏部右侍

郎楊守陟署南監事陟雅自矜詡其署監也有紀
事詩云位攝司成其樂正望參冢宰老銓衡人材
大抵隨時重門地從來似水清亦足想見其槩矣
○四月北祭酒謝鐸因地震建言維持風教事仍
以正祀典重科貢革冗員塞捷徑爲言

上從之其言塞捷徑云人才選之科貢猶恐未精復
增納粟上馬等例祇爲他日害民貪利之媒况需
爵賣官前史所鄙此等風聲豈盛世宜有方今邊
事止殷言利之徒必又有以此策進者此萬萬不

可開○起陞致仕僉事章懋爲南祭酒懋已丁外
艱兩上疏辭

上命服闋赴任○九月署南監事楊守陞考滿奏請
祭掃許之令監丞林啓署事十二月啓坐失火逮
問博士趙總代署

○壬戌十五年陞編修羅欽順爲南國子司業署掌
監事以候懋順字允升泰和人弘治癸丑進士第
一人先是陳敬宗擘祭酒司業久不設茲因章懋
未任特補設署事時士多放逸有差撥爭先者順

念以爲放心宜收非管束之嚴不可爭風宜息非
稽稽考公子奪填之不能持甚力而謗者蓋起公
不爲撓已竟爾然公又以監員太多上疏謂官不
必備惟其人今博助正錄多至二十餘員半皆虛
糜廩餼况各官爲諸生表率行選補風憲之缺豈
可濫及非人乞敕該部參酌裁減遇員缺行撫按
提學等官于教官中推選奏補無苟爲備員

○癸亥十六年八月南祭酒章懋到任上疏謝恩內
云欲臻漢室橋門之盛久虛周官師氏之員宜求

儒碩以造俊髦乃起衰庸而承闕乏雖抱赤心而欲奮其如白首以何湛人言遭際之非常臣懼寵榮之過分○懋隨條陳革弊事宜內云歷事監生掛選後應給冠帶分撥按察司分巡等道俾之練習政事有成效報部不次擢用

上諭行之○是年冬北祭酒謝鐸六上疏乞休乃得請賜乘傳以歸鐸先後任兩淮律已率人動準規約有美金盡籍于官均贍察屬諸生貧者周給喪者贖襁不私入一錢疏斥吳澄從祀進楊時公論

允協凡所建白皆師古義持獨見不肯徇人後贈
禮部尚書謚文肅○公在南構東西經史二樓在
北則增號舍修堂室闢廟門又買官廨三十餘區
居學者以省僦直所著書甚多有赤城論諫錄遜
志齋集赤城詩集行世

○甲子十七年三月南祭酒章懋奏國家稽古定制
尤重太學以敦化原洪永年間太學生徒動以千
計其人類多英俊而教育之法最爲周詳計日進
經積分出仕布列庶位得人最多爰及近年生徒

漸少計見在之數科貢兩項共止六百餘人其歲貢一途衰遲不振者十常八九蓋繇積累歲月挨次而升故也誨誘雖勤不無扞格舉人下第大半不來罰雖嚴於違限彼直視爲泛常夫歲貢之入監旣繇挨次而舉人之坐監又多後時故差撥常患不敷而教養尤難見效合無於常貢外酌人才素多區處行選貢之法不分廩增附生通行精加考選務求行著鄉閭學通經術年富力強累試優等者乃以充貢計通天下之廣約取五六百人分

送兩雍今年首行一次後或三年五年間行則生徒多精銳可進之資勤用提撕嚴加課讀稍彷彿分之意用申激勸之方至下第舉人須寬其違限之科而要以坐堂之實必一年以上方許會試庶生徒克備臣等得竭駑鈍以免尸素之咎命下所司議行按楓山選貢之議蓋破限年法也然增增兼行人多項襍後議止選廩生至 神廟丁酉後遂輟嗣則惟登極大慶間一舉行至 今上乙亥特行拔貢之典一時士子頌喁喁向風○九月懋

自陳年六十有八老病乞放歸田不許○十月用
北監謝鐸言今歲貢生願就教職者附監肄業一
年通考三場果堪師範方許附選○十一月南司
業羅欽順奏乞給假送父還鄉許之復奏乞終養
不允

○乙丑十八年四月南祭酒章懋力求去任疏三上
不允是月

殺皇卽位○十二月章懋陳言治道大畧謂紀元以正
德爲名當求其實必如漢董仲舒所謂正心以正

朝廷正百官正萬民而後謂之正德必如唐劉蕡
所謂居正位親正人發正言行正道而後可以正
德臣已具疏乞骸將歸死首丘而犬馬之誠耿耿
不能已敢以正德之當務者條爲五事一曰勤聖
學二曰隆繼述三曰重詔令四曰謹大婚五曰敬
天戒

上優詔答之

武宗

辟雍紀事十丙寅至辛巳凡十六年

正德丙寅元年正月南祭酒章懋引年乞休不允八月考績不能至京上疏乞休不待報竟歸懋浙蘭谿人成化二年禮部貢士第一授翰林院編修以張燈疏諫同莊昶黃仲昭杖闕下左遷知臨武縣未行給事中毛玉論救改大理評事一考陞福建僉事授然以風紀自任年四十一乞致仕林居三十載公卿臺省交薦起今官年踰七十矣滿考以老病不能赴京緘公移繳南吏部拜疏卽東歸後

復三疏乃得請時朝政日紛未幾逆瑾擅權公卿
多遭斥辱君子謂公獨見幾云後起公太常寺卿
不就進南禮部侍郎再進尚書致仕公潛心大業
慨然以天下爲任而風節稜稜難進易退登籍五
十餘年居官不滿十載立朝僅四十日學者稱爲
楓山先生卒贈太子少保謚文懿

○丁卯二年二月陞河南提學副使王敕爲南祭酒
敕字懋楡歷城人咸化甲辰進士及第○四月行
取助教張祐擢監察御史○七月有司業羅欽順

請養吏部查例不合催復任尋以考績至京忤瑾
勅令爲民至五年瑾敗復起原職尋陞太常少卿
十月陞南吏部侍郎改北左侍郎後陞南北吏部
尚書皆力辭致仕林居二十餘年一以著書明道
爲事御家用如朝典下逮臧獲一式于禮讓學者
稱爲整菴先生卒諡文莊○公爲司業教諸士寬
嚴有體先是與楓山先生共事楓山深信重之每
事必諮而後行

○戊辰三年十二月禮部侍郎掌北監事謝鐸致仕

瑾怒而勒之也。又二年卒。年七十有六。贈禮部尚書。謚文肅。公爲人忠誠孝友。性剛屹。不屑回互。家居稍有餘財。周賑宗戚。疏食布衣。囊無長物。雖未究厥用。而激貪立懦。蓋大有足尚焉。○起前江西提學副使蔡清爲北祭酒。未聞命而卒。清字介夫。晉江人。成化二十年進士。飭躬勵行動。準古人平生好學。至老不倦。家極貧。位至憲副。恒稱貸以自給。學者稱爲虛齋先生。

○己巳四年春。起陞前山西提學副使王鴻儒爲北

祭酒馮璠南陽人少爲府門隸知府段堅見其丰
儀秀峻教令習舉子業聰悟天成過目成誦入學
應試遂領誥首提學晉中凡九年正德改元致仕
至是繼蔡清起陞到任未久旋以艱去後歷陞南
戶部尚書以康陵南巡憤懣疽發背死謚文莊
○六月南祭酒王敕免教初授編修坐浮薄傾險
謫居夷陵累遷主學訓嘗著五經通旨以博名譽
拜祭酒蓋不飾被論免官○復開納粟事例○
七月陞南掌院侍讀石珪爲南祭酒珪字邦彥藁

城人成化丁未與兄瑜同舉進士清方介恪業已
好修士類信齋焉○十月陞陝西提學副使王雲
鳳爲北祭酒雲鳳山西和順人風規嚴厲士多畏
憚之後歷官都御史

○庚午五年正月南戶科行查曬瞭監生不到者多
詐病規避移文本監令五日一次赴繩愆廳盡酉
仍取宿號歇家以備拘喚祭酒石珪答以年假後
復放燈假遵

高皇諸制俱不盡酉不敢變違事遂寢所謂曬瞭者後

明禮部冊也。七月改北祭酒王雲鳳爲南通政
以石珪代之。珪在之。故三一。事。言授爲吏部尚
書。請託不行。曰言太學士。九月以北司業王瓚
爲祭酒。瓚字思猷。永嘉人。弘治丙辰進士。第二人
授太學生。李崇光爲南典籍。光字宗顯。陝高陵
人。成化中。太學事。父子。季。司。爲。除。國。書。掌。書。史。
。。。

辛未六年三月賜南祭酒王瓚誥命

壬申七年二月以簡討穆孔暉爲南司業。暉字伯

潛山東棠邑人少端慤寡言博通經史陽明先生
較文東魯拔擢舉首乙丑舉進士改庶吉士忤瑾
改訓部曹瑾敗復簡討

○癸酉八年九月改王瓚爲北祭酒瓚博學雄文爲
人坦直醇厚兩雍士皆愛而戴之後遷禮部侍郎
卒贈尚書○十月改司業穆孔暉爲北司業暉爲
司業以身率士務爲靜默之學中人以上類能從
之改北銀歸未任服闋補侍講充經筵講官○陞
學士吳一鵬爲南祭酒鵬字南夫長洲人洪治癸

三進士○陞簡討汪偉爲南司業偉字器之弋陽人弘治丙辰進士

○甲戌九年

○乙亥十年十一月陞祭酒吳一鵬爲南太常寺卿

後終禮部尚書謚文端

○丙子十一年正月陞北司業魯鐸爲南祭酒鐸字

彘之詞廣景陵人弘治壬戌會元○七月歲貢生

韓助奏言故祖都御史雍有兩廣軍功乞廕敘武

職

上命送助人監量除在京文職棄殺在廣屢有破賊
大功不得一金吾世職今之任邊疆者薄有斬獲
取錦衣若寄矣何今昔事之不同也○九月改南
祭酒魯鐸爲北祭酒○十一月以南學士賈詠爲
南祭酒詠字鳴和臨潁人弘治丙辰進士

○丁丑十二年二月賈詠奏請修廟學不報詠遂率
諸生倡義興工○十二月以左中允景暘管北司
業事暘字以時儀真人正德戊辰進士第二人循
資當進侍讀梁文康曰成均爲多士範非公不可

賜曰朝廷官人敢自擇耶卽日赴任諸生人人以爲得師○是年以湖廣水災開上粟賑濟之例

○戊寅十三年六月賈詠守制回籍後終太子太保
武英殿大學士○陞司業江偉爲南祭酒○八月
再開上粟入監之例以備賑荒○十月北司業景
賜陳情乞改官便養仍以左中允管南司業事時

南方士爭競便利賜于請寄謝絕不行士習稍正
○經書隆冬盛暑不輟居官清約每升監乘一
牝騾蹀蹀行旁觀者率不堪賜自若賜事親最老

母目盲萬方療之不愈公旦夕禱于神一日雙眸炯然人謂孝感云辛巳以母憂去位服闋北上道
辛○以編修陸深爲北司業深字華亭人

進士

○巳卯十四年十一月復開上粟入監之例收生員
五百七十人

○庚辰十五年

○辛巳十六年

肅皇卽位詔嚴止事例不許復開

辟雍紀事十一 壬午至丙寅凡四十五年

嘉靖

嘉靖壬午元年陞南祭酒汪偉爲南禮部侍郎復以魯鐸改南鐸乞休不允○以郭維藩爲南司業藩

字价夫儀封人日端坐惟中毅然以保氏自任講授經業士習一正

○癸未二年三月南祭酒魯鐸再引疾乞休許之鐸屢壁成均游游南北其教士一以理道爲主不屑屑章句操持峻潔湔浣夙弊一清士子困之多所造就洎其歸也兩臺交薦之終不得一起人以其

品方之謝鐸而遭遇不及焉卒謚文恪四品例無祭葬○上以鐸有清節能教士特予祭葬并謚焉

○陞日講官侍讀學士崔銑爲南祭酒銑字仲晃安陽人弘治十八年進士改庶吉士授編修正德初逆瑾擅權銑不爲禮左遷南驗封司主事瑾誅召還翰林九載滿陞侍讀請告歸世廟登極召修武宗實錄充日講官轉祭酒公爲祭酒開誠善誘明教條正文體秩祀典日衣冠坐東廂封諸生問難響答如流至日昃不倦會議大禮抗疏自

分被逮竟得報休諸生愕然如火拮持筮行不從
一夫不携江南一物諸生送者千人渡江者亦不
下百餘其教學者每日道在五倫學在治心功在
慎獨學士少師夏言贈詩有云一字不曾通政府
十年始得見先生蓋真不愧師表矣後再起南禮
部侍郎致仕卒贈尚書謚文敏公別號後渠學者
皆稱後渠先生○南吏部尚書楊旦奏監生數多
撥歷壅滯請府部諸司量增人數仍如舊制三月
考勤附選報可

甲申三年陞侍讀湛若水爲南祭酒若水字元明
增城人弘治乙丑進士公爲祭酒勸講院訓迪諸
生刻心性圖說以開蒙牘自居官至歸里必勸嗣
以祀白沙先生後累遷南禮吏兵三部尚書年踰
七十許致仕所著進行世者甚多

○乙酉四年

○丙戌五年九月詔以故禮部尚書薛瑄從祀

○丁亥六年

○戊子七年陞湛若水爲南吏部右侍郎進所撰聖

博物通百卷

上留覽○以庶子張邦奇爲南祭酒邦奇字常甫鄞
縣人弘治乙丑進士奇兒時卽志聖賢之學時然
後言擇地而蹈有大雅君子之目後仕至南兵部
尚書卒謚文定○八月司業江汝璧以起復陞任
援恩詔請給父母封贈如例給與汝璧字懋教貴
溪人正德辛未進士初與若水倡明聖學正己飭
規暇日卽刪定二十一史一時經史之學大明

○巳丑八年

○庚寅九年三月輔臣張璠上疏謂孔子加王號必非所安宜改爲先師孔子易像爲主籩豆用十樂用六佾因請立啓聖公祠以顏無繇曾點伯魚孟孫氏配○璠又援前祭酒丘濬之論謂後世尊孔子起漢平帝是時奸莽假托崇儒以收譽望聖人在天之靈豈其享之且宣之爲言不過聖善周聞豈足以盡聖人之大德章服冕旒皆非體也像設中國無有且

聖祖已易主于南矣北豈可獨仍元舊若配享之訛尤

宜改正庶有令不先父食之義而程子之父珦朱子之父松皆有功理學且珦不附新法松不附秦檜以之從祀啓聖尤爲相宜前學士程敏政已言之其他從祀如馬融應鄧騭之召爲秘書官南郡尤著貪濁且前授生徒後列女樂尤不拘儒者之節爲梁冀草奏殺忠臣李固作西第頌以媚冀真衆耻備身五經掃地乃以空言日爲經師使侑坐孔子之庭不知其何說劉向初以獻賦進身喜誦神仙方術鑄作不驗下吏當死賴兄陽城侯救免

所著洪範五行傳最爲舛駁賈逵以獻頌爲郎不
修小節專一附會圖讖以梯榮顯蓋左道亂政之
人也王弼何晏倡爲清譚所著易傳專祖老莊范
甯追究晉室之禍謂王何之罪深于桀紂何休則
止有春秋解詁一書斥周王魯又著風角等占班
之孝經論語蓋異端邪說之流戴聖爲九江太守
治行多不法惧何武劾之而自免後爲博士毀武
于朝子以賓客爲盜繫獄武平心決之得不死又
造謝不慚豈得云禮義之宗王肅在魏以女適司

馬昭當時昭篡賊已成肅爲世臣封蘭陵侯官至
中領軍乃坐觀成敗及母丘儉文欽起兵討賊肅
又爲司馬師畫策以濟其惡若好人佞已又其過
之小者杜預所著亦止有左氏經傳集解其大節
益無可稱守襄陽則數餽遺洛中貴要伐吳之際
以斫瘦之義盡殺江陵人爲吏則不廉爲將則不
義凡此諸人于名教獲罪非小而議者謂能守其
遺經轉相授受以待後學不爲無功是大不然夫
守其遺經若左丘明公羊高穀梁赤之于春秋伏

勝孔安國之于書毛萇之于詩高堂生之于儀禮
后蒼之于禮記杜子春之于周禮可以當之蓋秦
火之後惟易以卜筮僅存餘經非此九人幾乎熄
矣此其功之不可泯者從祀可也若融等又不過
訓詁乎九人者耳况書行于唐故唐以備經師之
數今當理學大明易用程朱詩用朱子書用蔡氏
春秋用胡氏又何取于漢魏踳駁之人使安享天
下之祀哉今宜盡褫爵罷祀鄭衆盧植伏虔范甯
劉各祀于其鄉后蒼在漢初說禮數萬言號后氏

曲臺記戴聖等皆受其業蓋非后氏則禮記失傳
久矣合加封爵與丘明等一體從祀此外孔子弟
子見于家語自顏回而下七十六人今如公伯寮
秦冉顏何輩何得溷入若遠瑗林放雖賢皆非其
弟子中棖申黨寔止一人今宜存其一瑗放各祀
于其鄉寮與冉何皆當亟汰者也若苟况楊雄寔
相伯仲况以性爲惡以禮爲僞以子思孟子爲亂
天下宜與雄并斥此外如漢儒之董仲舒唐儒之
韓愈無可復訾而尚有可進者一人則文中子王

通也通之言行先儒大約以爲僭經而程朱之言未嘗不極爲推許且河汾師道之立出于魏晉佛老之餘尤非淺儒可及當與董韓並祀無疑宋儒則周子以下九人尚有安定胡瑗未入準之程朱之學尚欲登之于尊賢堂而今不得與張邵諸子並侑誠爲闕典此外如謝鐸之欲進楊時而斥吳澄舉人桂華之欲祀蔡元定父子皆爲公論允協益敏政所奏正論俱孚而禮臣傅瀚謂有其舉之莫敢廢遂寢不行臣又按歐陽修有宋一代人物

未與從祀嘗觀其著本論實有翼衛聖道之功蘇軾有言歐陽子今之韓愈也愈既已從祀修豈可闕遺

上從聰議釐正祀典改大成至聖文宣王爲至聖先師孔子四配稱復聖述聖宗聖亞聖從祀門弟子稱先賢左丘明以下稱先儒罷公侯伯諸封爵申棖中黨存棖去黨寮冉何況聖向達融休肅弼預澄罷祀放瑗玄衆植虔甯祀于鄉進后蒼王通胡瑗歐陽修從祀又以行人薛侃議進陸九淵改大

成殿爲先師廟大成門爲廟門啓聖祠立于廟後
從祀珙松外復益以元定焉○六月陞南祭酒張
邦奇爲南吏部右侍郎○七月陞贊善林文俊爲
北祭酒俊字汝英莆田人正德辛未進士條敘平
實人樂信從先是有旨較刊二十一史未就公至
躬率諸生較讎竄補恒至達旦不數月鐫梓竣事
上嘉之每御文華指示輔臣曰此祭酒林文俊所刊
史也再疏乞休慰留不允○改編修張星爲南司
業星字子陽桂林人正德丁丑進士尋以艱去

○辛卯十年八月起南司子司業陳寰請原職二十
一月陞修撰馬汝驥爲北司業寰字中孚汝驥人
○是年查舊制臺事出巡奏內例
該監生僉名

上謂旣已僉名凡事可否許其公同擬議舉察特弊
○壬辰十一年六月陞南司業陳寰爲祭酒寰字原
○以歐陽德爲南司業
○德字崇一奉和人祭未進上切校却所遷刑部員
不以文行改編修等博士德字生爲文辭因

引之于道作講亭邀四方來學者講論其間德固
善論說而誠懇平易士以故益親之後累官太常
寺卿復掌北祭酒事仕終禮部尚書贈太子少保
謚文莊

○癸巳十二年三月

上視太學行釋奠禮用特服皮弁將事迎送神各再
拜奠帛禮畢御纂倫堂祭酒林文俊講虞書益稷
篇司業馬汝驥講易頤卦賜坐講畢諭諸生日治
平之道備在六經諸生宜講求力行以資治化侍

講學士廖道南獻

聖主臨雍崇教頒優詔褒答之○五月南祭酒陳寔
致仕起痿病諭德王道爲南祭酒道字純甫武城
人正德辛未進士執法端敏表率人才陛下不喜立
門戶見有相標榜者深耻之後終吏部右侍郎

○甲午十三年二月

上復幸太學釋奠 先師進諸生橫經布講學官賜
帛有差○三月南祭酒王道引疾歸以南右通政
費家代之宋字子和鉛山人正德辛未進士大學

士費宏之弟也未幾將改北宏力辭之

○乙未十四年春陞南太常寺少卿呂柟爲北祭酒

柟字仲木陝高陵人正德三年進士廷試第一除
修撰瑾以同鄉故欲援引驟升揆地公絕不與通
瑾深嫉之遂引疾請告歸嘉靖改元復除原職三
年議禮不合復以修省自劾不能獻納言甚切直
下詔獄拷訊降解州判官六年陞南考功郎九年
陞尚寶卿十三年陞南太常寺少卿凡在南中八
年至是改祭酒公篤行率人勤于訓迪每有條約

發遺古誼經書子史博讀詳玩並有發揮諸生環
向請益耳聽口授無倦容亦無擇言教典一新上
子畏服有德行著聞者卽超發以示勸疾者醫之
歿者賻之又重刻儀禮俾諸生肄習按圖學步自
冠射鄉黨至士相見諸儀皆令聞其進退之容養
其中和之氣旁及詩樂圖譜分日講解禮樂絃歌
蒸然首善之地六堂諸屬無不肅恭卽歷事監生
觀政進士皆樂從而問業焉公復奏減歷日以通
淹滯申飭監規五條上請皆報可內言歲貢入監

卽古鄉舉里選六德六行之士故禮稱四十強仕
道明而德立近年歲貢中有二十上下者其德行
焉考且禮讓未闕遇事與爭各提學官惟取辭章
不問行簡遂使質樸淪墜乞教該部行提學官歲
貢務取年深參之德行雖無完人庶幾近寔又舉
人人監本以觀光皇極薰陶德性今查在監實數
不過二三十人蓋自會試之後便托故回籍有志
者雖不廢學餘多交際郡邑侵凌鄉曲爭田競地
罔惜身名比及試期方來攢監約計水程舊規極

臣未仕時此居官可知乞教部將已未入職案
人移文行取違限計月加贖庶士類知儆衆向于
學矣又納銀例貢許令依親原籍與考科舉比以
待志士可耳其無志者兼服商賈肆行鄉間他日
入官害民不淺乞行提學官季取行業類報一時
巡監及久假不赴者盡行查治謹攻肅然○九月
南祭酒費案條奏太學事宜八款內一款云南監
正祿歷止二百七十人請每名遞減日月或量許
添設又一款云科道員缺乞將博助等官一體考

選又云南監自革膳夫久無廟戶至用囚徒供酒掃殊爲穢褻乞如北監改僉廟丁

上下所司勘議以聞惟撥歷減月添註不允○詔南監監丞博士助教等官歲支本色俸米照弘治十年事例每石折銀七錢著爲令亦從費家請也○

十一月家陞南禮部右侍郎以右諭德倫以訓爲

南祭酒訓字彥式南海人弘治丁丑第二人其爲

祭酒也敦典明彝修德講學毅然以師道爲己任

父文敘狀元兄以諒亦仕至通政世所稱三倫也

所著有國朝彙志二百卷

上諭吏部兩京祭酒亦係重任照巡撫例會官推舉

○丙申十五年二月陞江西提學僉事李舜臣爲南

國子司業舜臣字夢虞青州人癸未會元○四月

北祭酒呂柟進恭和 聖製詩一章賦一首曲十

首

上留覽尋陞南禮部侍郎○陞學士徐階爲北祭酒

階字子升華亭人嘉靖癸未進士第三人公爲祭

酒設籍籍諸生淑慝月朝廷誦之以吉服受淑籍

素服受慝籍然有曖昧者亦掩蓋之諸士以故感激交相勸勉後入內閣典機務者十有九年恩蔭三十餘人復有金吾世職卒謚文貞

○丁酉十六年

○戊戌十七年陞南司業李舜臣爲南尚寶卿以簡討李本補之本字汝立餘姚人嘉靖壬戌進士後復姓呂仕終武英殿大學士○南祭酒倫以訓請告陞南通政馬汝驥代之驥前爲北司業

○己亥十八年二月降刑科給事中沈伯咸爲南監

丞○命衍聖公照公侯例年少未學送監讀書習禮

○庚子十九年九月陞南祭酒馬汝驥爲禮部右侍郎卒贈禮部尚書謚文簡○陞南掌院太常寺卿鄒守益爲南祭酒益字謙之安福人正德辛未第三人○降給事中沈瀚爲北監丞

○辛丑二十年六月南祭酒鄒守益因宗廟災自陳乞罷以弭天災着閒住益年十七舉丁鄉其會試也陽明先生拔置第一授編修以大禮議起上書

作旨下詔獄謫判廣德州陞南主客郎中陽明卒
于師公服心喪三年戊戌起南考功郎己亥奉旨
簡宮僚擢司經局洗馬充經筵講官陞南太常卿
兼侍讀掌南院未幾改祭酒公一遵成憲中飭章
程置立號冊伴出入相友淑慝相勸歌詩習禮六
館士相慶得師方九廟災大臣自陳惟皇恐稱主
臣負罪不暇公上疏獨惓惓于上下交儆之義至
引殷中宗高宗反災爲祥語甚剴切遂落職年七
十有二正衣冠端坐而逝贈禮部右侍郎謚文莊

學者皆稱宗廟先生陽明先生之倡道東南也公
翼助之功居多子善太僕卿孫德涵按察僉事德
溥太子洗馬德泳侍郎皆知學克世其家○陞左
諭德龔用卿爲南祭酒用卿字鳴治福州人嘉靖
丙戌進士第一人

○壬寅二十一年十二月北司業王同祖妄請改元
以延聖曆兼欲糾結黃毛虜并兀良罕諸夷以破
北虜

上惡其狂悖削籍

○癸卯二十二年七月南京科道官張永明等劾南祭酒龔用卿闕冗污濫宜罷

上諭吏部太學風教所關稍涉瑕玷難居師席調別

衙門用○八月陞諭德黃佐為南祭酒佐字才伯

香山人正德庚辰進士選庶吉士第一其為祭酒

也頒五倫條約正樂典修雍志先是安成吳節輯

志畧具梗概公來念事蹟久而曠佚復加纂輯焉

自洪武至正德為紀四為表二為考十二為列傳

六凡二十四卷繫括詳博遂為成書仕終吏部左

侍郎本年七十有七謚文裕所著有華除遺事詩
經通解春秋傳吉明音類選等書行世○以趙恒
爲監丞恒號特峰泉州人四世以春秋起家恒有
錄疑一書尤究極穿貫其丞國學也樹規化導所
行一如其所言所著有莊史二涉筆忠愛堂稿經
濟抄行世

○甲辰二十三年冬黃佐丁艱擢廣東提學副使程
文德爲南祭酒德字舜敷金華人嘉靖己丑進士
第二校編修己坐同官楊賓卿封事下詔獄謫信

宜典史量移安福知縣陞南兵部主事轉員外郎
中擢廣東學副未任卽陞今職公爲人伉直坦爽
不設城府篤學砥行無愧儒宗歷陞禮吏侍郎將
擢南太宰因入直勉撰青詞不愜 上意得謫歸

杜門讀書不輟歷官清素家無餘資卒贈禮部尚
書謚文恭公受學陽明先生及湛甘泉先生其
於鄉先達獨服膺楓山章公焉

○乙巳二十四年改南司業李本爲右中允掌南院
事陞左司直兼簡討呂懷代之懷字汝德廣信人

嘉靖壬辰進士改庶吉士出掌諫垣後復進史院
公精陰陽五行律呂之學所著有河圖畫卦分合
圖及陰陽八卦分配圖河圖重卦變合圖勒石講
院壁間

○丙午二十五年十月起陞服闋祭酒黃佐爲少詹
事○改司業呂懷爲右中允掌南院事時李本陞
任○十二月始詔國子博士等官與太常博士一
體行取選用

○丁未二十六年陞簡討盧宗哲爲南司業哲字濬

卿德州人嘉靖乙未進士會大司成缺宗哲守篆甚久遇諸生有恩而不廢法士論稱之

○戊申二十七年陞左中允李本爲南祭酒未任陞浙江左布政李默爲南太常寺卿掌南祭酒事默

字時言福旣寧人正德辛巳進士改庶吉士授吏部主事陞郎中同考武舉持議忤貴臣謫外起提學副使歷掌藩臬後終吏部尚書爲分宜所構竟焚獄公爲祭酒日輯六館規條儀法度易行者著爲令教乃大洽

○巳酉二十八年春陞趙貞吉右春坊右中允管北
司業事貞吉字孟靜內江人嘉靖戊戌進士公在
北雍寬嚴有節進論六堂諸生首揭中庸性道教
爲訓士子聞之愷然越明年八月虜薄都城且遣
嫚書求入貢 上召閣臣嵩等人便殿授劄令各
書所見以對羣臣相顧莫敢發一言公獨抗言虜
大舉入寇震宮闕乃許之貢何異城下盟簡討毛
起謂時事孔棘宜暫許俟出塞而後却之公叱起
義形于色又勸 上亟下罪已詔速獎故都督周

尚文功并釋沈東于獄以作士氣懸募得虜首于
百金捐十萬金虜且立盡嵩陰嫉之即請擢公兼
御史齎萬金往募首功并宣諭諸管將士時多忌
公者瀕行至請兵部一護卒不得單騎出城先詣
仇鸞管次歷諸將宣旨激厲付賞功格一時士卒
咸奮而鸞與嵩齟齬之不已比復命鸞匿其募首
功疏稿公倉卒僅以宣諭事竣報 上不悅迨虜
去解嚴嵩等遂構其狂言

，謫荔浦典

史至 穆廟登極乃起原官擢吏部侍郎掌詹事

府事尋入內閣後證文肅

○庚戌二十九年起服闋祭酒程文德還原職尋陞禮部右侍郎○六月陞贊善閣樸爲南祭酒未任而罷樸字文甫倫次人嘉靖壬辰進士

○辛亥三十年十月陞左諭德茅瓚爲南祭酒瓚字邦猷錢塘人嘉靖戊戌狀元一到任卽扁所寓之堂曰身教律已嚴格獄獄養重○十二月陞南司業盧宗哲爲尚寶卿

○壬子三十一年正月陞簡討王材爲南司業材字

子難建昌人嘉靖辛丑進士尋改北

○祭丑三十二年十月改茅瓚爲北祭酒陞右諭德

尹臺代之臺字崇基永新人嘉靖乙未進士其爲南司成也將行嚴嵩舉卮酒曰何以別不殺臺從容請曰楊繼盛狂言自取願相公勿治主上有

殺諫臣名嵩避席謝將行臺復囑之司業王材材謁嵩請嵩猶豫未決謀之鄢懋卿卿持不可遂論死海內人上皆知材之抹楊而不知寔臺屬之也

○甲寅三十三年南祭酒尹臺改北陞司業林廷機

辟雍紀事十二丁卯至壬申凡六

宗穆

隆慶丁卯元年二月禮科都給事中辛自修等疏言
前祭酒石珪湛若水呂柟程文德鄒守益等皆著
聲國學鴻猷大節彪炳生前應皆予卹典如呂柟
有祭葬無謚石珪有謚而不盡美皆當補易無使
忠魂缺望○河南道御史陳聯芳以監生弊竇甚
多今科場伊邇合將在監在歷及歲貢生盡送兩
直提學御史考較一如生員之例

上下其議不果行設行之將置兩司成何地甚矣其

說之真也○提學御史耿定向請監生勿用皿字
號以杜關節下禮部議行○四月陞南祭酒胡杰
南禮部右侍郎以諭德呂調陽補之調陽字和卿

桂林籍大冶人先任北司業轉諭德○七月賜前

祭酒程文德鄒守益等祭墓○御史凌儒條議解
額一百三十五名百名以收生員三十名以收監
生五名以收雜流每科雜流無人多歸于監遇有
歲貢常痛抑之致例生多而貢生少竟成偏重之
弊今後不得以歲貢多而故抑如無雜流以四名

歸學一名歸監公同酌議勿徇已私

上悉可其奏○八月

上幸太學會祭酒員缺趙貞吉以吏部右侍郎暫領
監事講禹謨后克艱章闡發精明音吐洪亮

上大爲感動講畢詢知爲新起用官益喜隨改日講
官是日賜各官羊酒鈔錠有差○九月改呂調陽
爲北祭酒是科秋試因革皿字號監生中式者僅
八人諸生大譁遮典試王希烈孫鋌道殿之祭酒
呂調陽及兩守備臺省各有疏叅論諸生互有異

同喧呶莫辨詔刑部尚書孫植鞠之植謂祭酒專職卽所奏姓名僉同者坐戊遇詔赦宥各衙門屬風聞一無所問獄

上從之祭酒調陽免究司業全達罰俸二月監生編號如初調陽自請罷斥不允遂改北○十月以姜全和代之尋陞南禮部侍郎養病全和字節之鄆

陽人嘉靖庚戌進士

○戊辰二年正月巡按直隸周弘祖請廣恩選以實國學不許遽就教職俟肄業七八年後充有司之

選不報○三月改右通政姜寶爲南祭酒寶字廷

善丹陽人嘉靖癸丑進士改庶吉士以編修擢外

歷陞通政○准禮部奏前祭酒湛若水王道李舜

臣俱補廕與祭葬○六月吏部酌議開納監生得

入貨授冠帶○南兵科給事中徐尚疏叅南司業

全達達因引病乞休不允尚再疏乃致仕陞山東

僉事周怡補之怡字順之宣州太平人嘉靖戊戌

進士性至孝潛心理學不妄言笑疾惡如仇起家

司李用竄權吏科給事中以封事忤旨擯其言爲

滂訕廷杖折一足繫詔獄者再與御史楊爵主事
劉魁講易論詩日無虛畧益以忠孝相敦勉凡數
年得削籍爲民復上疏痛斥分宜伏匿田間十九
年起太常少卿復以言事忤外補山東僉事至是
陞司業其在南雍也三物六行以身先之六館生
亦畏其耆德嚴事無懈後仍轉太常少卿怡深于
陽明先生之學而經術醇正蔚爲儒宗洎沒戒于
孫無請祠鄉賢

○巳巳三年正月南祭酒姜寶請飭監規以廣聖教

凡八事一曰修理頽毀堂舍以便肄習二曰徵解
逋欠銀兩以濟供應三曰停止民生上納以塞倖
途四曰急催舉人就監以務實學內因薦四川舉
人趙象吉傳奉後蒙吉徵補國子學正五曰銓補
分教屬官以重課督六曰量存積分法意以待卓
品七曰造就世勳子弟以光門閥八曰查復衙門
舊規以正事體內云祭酒到吏部入後門後堂相
見今忽改前門入穿堂相見司業二門下馬今忽
改門前下馬相應改從舊制俱下部覆行○五月

陞編修王錫爵爲南司業爵字元馭太倉人壬戌
進士第二人次年改北後任大學士加少保卒謚
文肅子衡萬曆辛丑第二人○十月禮部疏稱南
祭酒姜寶奏魏國公徐鵬舉已將長子邦瑞送監
後又添送幼子邦寧係助教鄭如瑾受賄相結納
以混葬倫合付南法司鞫問

○庚午四年正月南刑部尚書孫植鞫擬前事徐邦
寧擬徒邦瑞鄭如瑾各杖徐鵬舉亦應加罰治以
聞得旨鵬舉住俸米一月鄭如瑾爲民徐邦瑞仍

隸監邦寧如擬如瑾既得罪恨寶發其奸密嗾邦
寧揚言寶與誠意伯劉世延同受邦瑞賄爲副使
馮謙所詰因嫁禍瑾以自解于是南科王禎疏叅
寶及世延營私亂法罪當首論尚書植訊報不詳
宜併罷吏部覆俱回籍聽勘後南法司奉當事指
坐寶賍千金遂爲如瑾辨雪于是寶爲民植世延
閑住如瑾復官士論大爲不平寶後以薦起南太
常御歷陞刑部禮部尚書皆在南二品考滿引疾
乞骸年登八十以壽終公少游荆川先生之門以

是問學日進忤權相出參藩臬其以魏胄落職也
人謂高新鄭謙之云○陞諭德萬浩爲南祭酒浩
字汝孟進賢人嘉靖癸丑進士先爲北司業陞諭
德掌南院○司業王錫爵改北陞尚寶司丞范應
期補之期字伯禎烏程人嘉靖乙丑狀元以修撰
調南評轉尚寶○北祭酒孫鋌欲推廣恩意請增
解額

上命禮部確議之○六月詔兩京鄉試各增十五名
不爲例○十一月命歲貢生錢守等一百二十四

名分送兩監肄業

○辛未五年正月北司業王錫爵陞右諭德以編修
余有丁代之丁字丙仲郵縣人正成進士第三人
公在國學首規勵而行六館之士翕然向風壬申轉
北流馬後復爲南祭酒○二月吏部酌議監生納
銀得授都司經歷斷事等官并開遙授冠帶例○
以舉人張弘道填註國子學錄○五月陞南祭酒
萬浩爲南禮部右侍郎以庶子陶大臨代之大臨
字虞臣會稽人丙辰進士第二人○十月以編修

林士章爲北司業章字德斐漳浦人已未進士第
二人○改南博士文彭爲北博士彭字壽承長洲
人初以明經分訓陞北國子學錄 穆宗登極

視學有襲末之賜學者共榮之至是以考滿改北
○公爲衡山公長子生而聰穎讀書過日不忘十
歲不第以明經充貢廷對第一其在北也退食後
無出戶讀書或臨池洙翰公卿大夫聞其名者皆
樂接緒論叩及古今書史響答如流未幾請告歸
求其詞翰者遠近踵相屬公爲人平易極好周人

之急若非禮相干斷斷不可論者以爲有父風云
子元發亦以明經仕至二守所至有能聲孫震孟
天啓壬戌鼎元初第時卽抗疏論時政乞歸復以
璫禍削籍後起侍讀歷論德庶子陞少詹事入爲
東閣大學士復以忤時罷歸通籍十三年立朝不
滿三載揆地僅八十日風節稜稜海內有忠直狀
元之日○十一月南祭酒陶大臨請修廟廡下工
部覆之本年陞少詹事陞北司業林士章代之

○壬申六年二月禮科給事中賈待問以輪納冒濫

請搜弊竇而稍杜之

上從其請○改司業范應期爲北司業以編修周子

義補之子義字以方無錫人乙丑進士改庶吉士

其在南也曾攝監事一切引禮法繩束諸差假率

視歷試高下以爲等雖故人子不之私後改北雍

進祭酒以課士之暇考求寔錄每至夜分不輟諸

生月給餐錢往往爲猾胥乾沒公力爲清出諸生

月有給而所積餘千金錢餘幾十萬盡以修葺學

官不費將作一緡陞禮部右侍郎改吏部卒于邸

○四月命禮部侍郎萬浩視北祭酒事○八月南祭酒林士章請告吏部覆留之